


# 民國叢書

第三編

• 45 •



---

---

# 民國叢書

第三編

· 45 ·

文化·教育·體育類

中國學校制度

周予同著

中國教育制度沿革史

郭秉文著

中國書院制度

盛朗西編

中國近代教育制度

姜書閣編著

上海書店

---

---

---

盛朗西編

# 中國書院制度

---

## (中華民國二年八月至三年七月)

各省學生數比較表

|    |     |        |
|----|-----|--------|
| 1  | 四 川 | 429858 |
| 2  | 直 隸 | 325377 |
| 3  | 浙 江 | 293071 |
| 4  | 湖 北 | 264346 |
| 5  | 山 東 | 247196 |
| 6  | 江 蘇 | 241384 |
| 7  | 湖 南 | 222787 |
| 8  | 山 西 | 217514 |
| 9  | 奉 天 | 212748 |
| 10 | 雲 南 | 204126 |
| 11 | 廣 東 | 198203 |
| 12 | 河 南 | 167006 |
| 13 | 江 西 | 154736 |
| 14 | 廣 西 | 85305  |
| 15 | 陝 西 | 84033  |
| 16 | 福 建 | 65264  |
| 17 | 貴 州 | 52295  |
| 18 | 京 兆 | 49044  |
| 19 | 甘 肅 | 29425  |
| 20 | 吉 林 | 26252  |
| 21 | 安 徽 | 25419  |
| 22 | 黑龍江 | 14841  |
| 23 | 熱 河 | 11729  |
| 24 | 綏 遠 | 4042   |
| 25 | 新 疆 | 2205   |

各省學校數比較表

|    |     |       |
|----|-----|-------|
| 1  | 四 川 | 14122 |
| 2  | 直 隸 | 12219 |
| 3  | 山 東 | 10122 |
| 4  | 湖 北 | 9704  |
| 5  | 山 西 | 7816  |
| 6  | 浙 江 | 6675  |
| 7  | 河 南 | 6162  |
| 8  | 湖 南 | 5572  |
| 9  | 江 蘇 | 5564  |
| 10 | 奉 天 | 5295  |
| 11 | 雲 南 | 4758  |
| 12 | 江 西 | 4313  |
| 13 | 廣 東 | 3391  |
| 14 | 陝 西 | 3105  |
| 15 | 廣 西 | 2036  |
| 16 | 貴 州 | 1340  |
| 17 | 京 兆 | 1211  |
| 18 | 甘 肅 | 1163  |
| 19 | 福 建 | 1156  |
| 20 | 安 徽 | 1011  |
| 21 | 吉 林 | 540   |
| 22 | 熱 河 | 494   |
| 23 | 黑龍江 | 385   |
| 24 | 綏 遠 | 151   |
| 25 | 新 疆 | 72    |

教育部最近所頒各省學務統計總表 (中華民國二年八月至三年七月)

| 學 校 類 別 |      |      | 學 校 數 |   |     |       |      |       |       |     |       |        |      |        |    |
|---------|------|------|-------|---|-----|-------|------|-------|-------|-----|-------|--------|------|--------|----|
|         |      |      | 國     |   |     | 公     |      |       | 私     |     |       | 總      |      |        |    |
|         |      |      | 男     | 女 | 總   | 男     | 女    | 總     | 男     | 女   | 總     | 男      | 女    | 總      |    |
| 初等教育    | 小學   | 初等   |       |   |     | 67353 | 2004 | 69357 | 23947 | 478 | 29425 | 96300  | 2482 | 98782  |    |
|         |      | 高等   |       |   |     | 5125  | 334  | 5459  | 1792  | 112 | 1904  | 6917   | 446  | 7362   |    |
|         | 乙種實業 | 農業   |       |   |     | 233   | 1    | 234   | 9     | 1   | 10    | 242    | 2    | 244    |    |
|         |      | 工業   |       |   |     | 52    | 24   | 76    | 3     | 26  | 29    | 55     | 50   | 105    |    |
|         |      | 商業   |       |   |     | 37    |      | 37    | 13    |     | 13    | 50     |      | 50     |    |
|         | 其他   |      |       |   | 710 | 3     | 713  | 22    | 8     | 30  | 732   | 11     | 743  |        |    |
| 中等教育    | 中學   |      |       |   |     | 353   | 7    | 360   | 42    | 4   | 46    | 395    | 11   | 406    |    |
|         | 師範   | 師範   | 1     | 1 | 2   | 183   | 85   | 268   | 29    | 15  | 44    | 213    | 101  | 314    |    |
|         |      | 甲種實業 | 農業    |   |     |       | 36   | 1     | 37    | 5   |       | 5      | 41   | 1      | 42 |
|         |      |      | 工業    |   |     |       | 16   | 1     | 17    | 1   | 2     | 3      | 17   | 3      | 20 |
|         |      |      | 商業    |   |     |       | 16   |       | 16    | 4   |       | 4      | 20   |        | 20 |
|         | 其他   |      | 1     |   | 1   | 200   | 9    | 209   | 21    | 6   | 27    | 222    | 15   | 237    |    |
| 高等教育    | 專門學校 | 高等師範 | 2     |   | 2   | 9     | 1    | 10    |       |     |       | 11     | 1    | 12     |    |
|         |      | 法政   | 1     |   | 1   | 27    |      | 27    | 28    |     | 28    | 56     |      | 56     |    |
|         |      | 醫學   | 1     |   | 1   | 4     |      | 4     |       |     |       | 5      |      | 5      |    |
|         |      | 農業   | 1     |   | 1   | 6     |      | 6     |       |     |       | 7      |      | 7      |    |
|         |      | 工業   | 3     |   | 3   | 7     |      | 7     |       |     |       | 10     |      | 10     |    |
|         |      | 商業   |       |   |     | 6     |      | 6     |       |     |       | 6      |      | 6      |    |
|         |      | 商船   |       |   |     |       |      |       |       |     |       |        |      |        |    |
|         | 大學   | 外國語  |       |   |     | 3     |      | 3     | 2     |     | 2     | 5      |      | 5      |    |
|         |      | 預科   | 1     |   | 1   | 5     |      | 5     | 4     |     | 4     | 10     |      | 10     |    |
|         |      | 本科   | 文     |   |     |       |      |       |       |     |       |        |      |        |    |
|         |      |      | 理     |   |     |       | 2    |       | 2     |     |       |        | 2    |        | 2  |
|         |      |      | 法商    |   |     |       |      |       |       |     |       |        |      |        |    |
|         |      |      | 醫學    |   |     |       |      |       |       |     |       |        |      |        |    |
|         |      |      | 農     |   |     |       |      |       |       |     |       |        |      |        |    |
|         |      |      | 工     |   |     |       | 1    |       | 1     |     |       |        | 1    |        | 1  |
|         | 其他   |      | 3     |   | 3   | 2     |      | 3     |       | 3   | 6     |        | 6    |        |    |
| 總       |      |      | 14    | 1 | 15  | 74386 | 2470 | 76856 | 30925 | 652 | 31577 | 105825 | 3123 | 108448 |    |

| 學校類別 |    |      | 學生數 |     |      |         |        |         |        |       |        |         |        |         |
|------|----|------|-----|-----|------|---------|--------|---------|--------|-------|--------|---------|--------|---------|
|      |    |      | 國   |     |      | 公       |        |         | 私      |       |        | 總       |        |         |
|      |    |      | 男   | 女   | 總    | 男       | 女      | 總       | 男      | 女     | 總      | 男       | 女      | 總       |
| 初等教育 | 小學 | 初等   |     |     |      | 2068774 | 117345 | 2176119 | 838495 | 26164 | 864659 | 2907268 | 133509 | 3040778 |
|      |    | 高等   |     |     |      | 310650  | 14121  | 324771  | 74949  | 3707  | 78656  | 385599  | 17828  | 403427  |
|      |    | 農業   |     |     |      | 10379   | 70     | 10449   | 431    | 72    | 503    | 10810   | 142    | 10952   |
|      |    | 工業   |     |     |      | 2884    | 1190   | 4074    | 69     | 1312  | 1381   | 2958    | 2502   | 5460    |
|      |    | 商業   |     |     |      | 2292    |        | 2292    | 835    |       | 835    | 3127    |        | 3127    |
| 中等教育 | 中學 | 其他   |     |     |      | 19639   | 468    | 20107   | 1246   | 715   | 1961   | 20885   | 1183   | 22068   |
|      |    | 師範   | 110 | 158 | 268  | 51381   | 286    | 51667   | 6129   | 184   | 6313   | 57510   | 470    | 57980   |
|      |    | 甲種實業 |     |     |      | 4146    | 141    | 4287    | 411    |       | 411    | 4557    | 141    | 4698    |
|      |    | 農業   |     |     |      | 2763    | 75     | 2838    | 365    | 239   | 604    | 3128    | 314    | 3442    |
|      |    | 工業   |     |     |      | 1740    |        | 1740    | 348    | 28    | 376    | 2088    | 28     | 2116    |
| 高等教育 | 大學 | 其他   | 160 |     | 160  | 11099   | 580    | 11679   | 2162   | 270   | 2432   | 12421   | 850    | 14251   |
|      |    | 高等師範 | 378 |     | 378  | 1738    | 182    | 1920    |        |       |        | 2116    | 182    | 2298    |
|      |    | 政法   | 630 |     | 630  | 15060   |        | 15060   | 12158  |       | 12158  | 27648   |        | 27648   |
|      |    | 醫學   | 72  |     | 72   | 281     |        | 281     |        |       |        | 353     |        | 353     |
|      |    | 農業   | 42  |     | 42   | 1512    |        | 1512    |        |       |        | 1554    |        | 1554    |
|      |    | 工業   | 864 |     | 864  | 1530    |        | 1530    |        |       |        | 2394    |        | 2394    |
|      |    | 商業   |     |     |      | 1034    |        | 1034    |        |       |        | 1034    |        | 1034    |
|      |    | 船舶   |     |     |      |         |        |         |        |       |        |         |        |         |
|      |    | 外國語  |     |     |      | 559     |        | 559     | 82     |       | 82     | 641     |        | 641     |
|      |    | 預科   | 497 |     | 497  | 895     |        | 895     | 321    |       | 321    | 1713    |        | 1713    |
|      |    | 本科   | 30  |     | 30   |         |        |         |        |       |        | 30      |        | 30      |
|      |    | 文理   | 22  |     | 22   |         |        |         |        |       |        | 2       |        | 2       |
|      |    | 法    | 139 |     | 139  | 143     |        | 143     | 777    |       | 777    | 1050    |        | 1050    |
|      |    | 商    |     |     |      |         |        |         | 33     |       | 33     | 33      |        | 33      |
| 教育   | 學校 | 醫    |     |     |      |         |        |         |        |       |        |         |        |         |
|      |    | 農    | 52  |     | 52   |         |        |         |        |       |        | 52      |        | 52      |
|      |    | 工    | 41  |     | 41   | 134     |        | 134     |        |       |        | 175     |        | 175     |
|      |    | 其他   | 332 |     | 332  | 201     |        | 201     | 340    |       | 340    | 880     |        | 880     |
| 總    |    |      | 337 | 158 | 3528 | 2531374 | 132871 | 2664245 | 941498 | 33935 | 975433 | 3470242 | 168064 | 3638306 |

本書據中華書局1934年版影印

# 中國書院制度

## 目次

|     |       |     |
|-----|-------|-----|
| 第一章 | 書院之起源 | 一   |
| 第二章 | 宋之書院  | 二五  |
| 第三章 | 元之書院  | 六三  |
| 第四章 | 明之書院  | 七七  |
| 第五章 | 清之書院  | 一三一 |
| 第六章 | 書院之廢替 | 一二五 |



# 中國書院制度

## 第一章 書院之起源

書院之名昉於唐，書院之制創於唐末之五代，至宋初而有天下四書院之稱。自宋而元，儒者多於書院講學，其風殆盛於國庠及州郡之學，迄明清猶然，先後亘一千年之久。故欲知中國近代教育學術之變遷，不可不知書院之起源及其規制也。

袁子才曰：「書院之名起唐玄宗時，麗正書院，集賢書院，皆建於朝省，爲修書之地，非士子肄業之所也。」

隨園隨筆卷十四書院之名起唐玄宗時，麗正書院，集賢書院，皆建於朝省，爲修書之地，非士子肄業之所也。

稽之唐書，斯說誠然。

唐六典開元十三年，改集賢殿修書所爲集賢殿書院。有學士直學士侍講學士修撰官校理官知書官等。集賢院學士掌刊輯古今之經籍，以辨明邦國之大典，而備顧問應對，凡天下圖書之遺逸，賢才之隱滯，則承旨而徵求。

焉。其有簿策之可施於時，著述之可行於代者，較其才藝，考其學術而申表之。凡承旨撰集文章，校理經籍，月終則進課於內，歲終則考最於外。

唐六典集賢殿學士，掌刊輯古今之經籍。知書官八人，書直及寫御書一百人，搨書手六人，裝書直十四人，造筆直四人。

舊唐書玄宗本紀玄宗開元十三年夏四月丁巳，改集仙殿爲集賢殿。麗正殿書院改集賢殿書院。內五品以上爲學士，六品以下爲直學士。

舊唐書職官志集賢殿書院（註）開元十二年置。漢魏已來，職在祕書。梁於文德殿內藏聚羣書，北齊有文林館學士，後周有麟趾殿學士，皆掌著述。隋平陳之後，寫羣書正副兩本，藏於宮中，其餘以實祕書外閣。煬帝於東都觀文殿東西廂貯書。自漢延嘉至隋皆祕書掌國籍，而禁中之書，時或有焉。及太宗在藩府時，有奏府學士十八人，其後弘文崇文二館皆有。玄宗卽位，大校羣書。開元五年，於乾元殿東廊下寫四部書，以充內庫，置校定官四人。七年，駕在東都，於麗正殿置修書使。十二年，駕在東都，十三年，與學士張說等宴於集仙殿，因改名集賢，改修書使爲集賢書院學士。其大明宮所置書院，本命婦院，屋宇宏敞。永泰九年三月，詔僕射裴冕等十三人，每日於集賢書院待詔。集賢學士（註）初定制以五品以上官爲學士，六品以下爲直學士，每宰相爲學士者爲知院事，常侍一人爲副知院事。學士知院事一人（註）開元初，以褚无量馬懷素元行冲相次知乾元殿寫書。及在麗正，乃有使名。張說代元行冲，改院爲集賢，以說爲大學士知院事，說懇讓大字，詔許之，自是每以宰相一人知院事。副

知院事一人(註)初宰相張說知院事，以左常侍徐堅爲副知院事，因爲故事。判院一人(註)初在乾元殿刊正官一人判事，其後因之。押院中使一人(註)自乾元殿寫書則置掌出入，宣進奏，兼領中官監守院門，掌同官禁侍講學士(註)開元初，褚无量馬懷素侍講禁中，名爲侍讀，其後康子元爲侍講學士。修撰官校理官(註)並無常員，以官人兼之。待制官(註)古之待詔金馬門是。留院官檢討官(註)皆以學士別勅留之。孔目官一人，專知御書典四人(註)並開元五年置。知書官八人(註)開元五年置，掌分四庫書。書直寫御書一百人，搨書六人，書直八人，裝書直十四人，造筆直四人(註)並開元六年置。集賢學士之職，掌刊緝古今之經籍，以辨明邦國之大典。凡天下圖書之遺逸，賢才之隱滯，則承旨而徵求焉。其有籌策之可施於時，著述之可行於代者，較其才藝，而考其學術，而申表之。凡承旨撰集文章，校理經籍，月終則進課於內，歲終則考最於外。

舊唐書列傳馬懷素潤州丹徒人也。是時秘書省典籍散落，條疏無叙。懷素上疏曰：南齊已前墳籍，舊編王儉七志已後著述，其數盈多。隋志所書亦未詳悉，或古書近出，前志闕而未編，或近人相傳，浮詞鄙而猶記。若無編錄，難辨淄澠，望括檢近書籍目，并前志所遺者，續五儉七志，藏之秘府。上於是召學涉之士國子博士尹知章等，分部撰錄，并刊正經史，粗創首尾。會懷素病卒，年六十，上特爲之舉哀廢朝一日。褚无量字弘度，杭州鹽官人也。无量以內庫舊書，自高宗代，卽藏在宮中，漸致遺逸，奏請繕寫刊校，以弘經籍之道。玄宗令於東都乾元殿前，施架排次，大加搜寫，廣采天下異本。數年間，四部充備，仍引公卿已下，入殿前令班觀焉。開元六年，駕還，又勅无量於麗正殿，以續前功。无量病卒，年七十五，臨終遺言以麗正寫書未畢爲恨。上爲舉哀廢朝二日。元行冲河南人。

先是秘書監馬懷素集學者續王儉今書七志，左散騎常侍褚无量於麗正殿校寫四部書，而懷素无量卒，詔行冲總代其職。於是行冲表請通撰古今書目，名爲羣書四錄，命學士鄆縣尉母嬰、櫟陽尉韋述、曹州司法參軍殷踐猷、太學助教余欽等分部修檢，歲餘成，奏上，上嘉之。張說字道濟，其先范陽人。玄宗尋召說及禮官學士等，賜宴於集仙殿，謂說曰：「今與卿等賢才同宴於此，宜改名爲集賢殿。」因下制改麗正書院爲集賢殿書院，授說集賢院學士，知院事。時中書舍人陸堅，自負文學，常以集賢院學士多非其人，所司供膳太厚，嘗謂朝列曰：「此輩於國家何益？如此虛費，將建議罷之。」說曰：「自古帝王功成則有奢縱之失，或興池臺，或玩聲色，今聖上崇儒重道，親自議論，刊正圖書，詳延學者，今麗正書院天子禮樂之司，永代規模不易之道也。所費有細，所益者大。」陸子之言，何其隘哉！玄宗知之，由是薄堅。陸堅開元十三年再遷左散騎常侍。其年玄宗改麗正書院爲集賢院，以堅爲學士，副張說知院事。

《新唐書百官志》：集賢殿書院學士直學士侍讀學士修撰官，掌刊輯經籍，凡圖書遺逸，賢才隱滯，則承旨以求之。謀慮可施於時，著述可行於世者，考其學術以聞。凡承旨撰集文章，校理經籍，月終則進課於內，歲終則考最於外。《註》：開元五年，乾元殿寫四部書，置乾元院使，有刊正官四人，以一人判事。押院中使一人，掌出入宣奏，領中官監守院門，知書官八人，分掌四庫書。六年，乾元院更號麗正修書院，置使及檢校官，改修書官爲麗正殿直學士。八年，加文字直，又加修撰校理刊正校勘官。十一年，置麗正院修書學士。光順門外亦置書院。十二年，東都明福門外亦置麗正書院。十三年，改麗正修書院爲集賢殿書院。五品以上爲學士，六品以下爲直學士。宰相一人爲

學士知院事。常侍一人爲副知院事。又置判院一人，押院中使一人。玄宗常選耆儒日一人侍讀，以質史籍疑義。至是置集賢院侍講學士，侍讀直學士。其後又增修撰官，校理官，待制官，直學士，知檢討官，文學直之員。募能書者爲書直，及寫御書人，其後亦以前資常選三衛散官五品以上子孫爲之。又置畫直。至十九年以書直畫直楊書有官者爲直院。至德二年，置大學士。貞元初置編錄官。四年，罷大學士。八年，罷校理，置校書四人，正字二人。元和二年，復置集賢校理，罷校官正字。四年，集賢御書院學士直學士皆用五品如開元故事，以學士一人年高者判院事，非登朝官爲校理，餘皆罷。初太宗卽位，命京官五品以上，更宿中書門下兩省，以備訪問。永徽中命弘文館學士一人，日待制於武德殿西門。文明元年，詔京官五品以上清官日一人，待制於章善明福門。先天末又命朝集使六品以上二人隨仗待制。永泰時，勳臣罷節制無職事，皆待制於集賢門，凡十三人。崔祐甫爲相，建議文官一品以上更直待制，其後著令，正衙待制官日二人。

新唐書藝文志貞觀中，魏徵虞世南顏師古繼爲秘書監，請購天下書，選五品以上子孫工書者爲書手，繕寫藏於內庫，以宮人掌之。玄宗命左散騎常侍昭文館學士馬懷素爲修圖書使，與右散騎常侍崇文館學士褚无量整比。會幸東都，乃就乾元殿東序檢校，无量建議御書以宰相宋璟蘇頌同署如貞觀故事，又借民間異本傳錄。及還京師，遷書東宮麗正殿，置修書院於著作院。其後大明宮光順門外，東都明福門外皆創集賢書院，學士通籍出入。旣而太府月給蜀郡麻紙五千番，季給上谷墨三百三十六丸，歲給河間景城清河博平四郡兔千五百皮爲筆材。

新唐書列傳馬懷素字惟白，潤州丹徒人。元行冲知麗正院，又奏陸紹伯、馬利微、劉彥直、殷踐猗、侯行果、李子釗、王直、母嬰、韋述、王灣、趙玄默、余欽、鄭良金，與朝邑丞馮朝隱、冠氏尉權寅獻、秘書省校書郎孟曉、楊州兵曹參軍韓琬、王嗣琳、福昌令張排、進士崔藏之，入校麗正書。由是秘書省罷譔綴，而學士皆在麗正矣。褚无量字弘度，杭州鹽官人。初內府舊書，自高宗時藏宮中，甲乙叢倒，无量建請繕錄補第，以廣秘籍。天子詔於東都乾元殿東廂，部彙整比，无量爲之使。不數年，四庫完治。帝西還，徙書麗正殿，更以修書學士爲麗正殿直學士，比京官，預朝會，復詔无量就麗正纂續前功。元澹字行冲，以字顯。先是馬懷素譔書志，褚无量校麗正四部書，業未卒，相次物故，詔行冲并代之。張說字道濟，或字說之。帝召說與禮官學士置酒集仙殿，曰：「朕今與賢者樂於此，當遂爲集賢殿，乃下制改麗正書院爲集賢殿書院，而授說院學士知院事。」……常典集賢圖書之任，間雖致仕一歲，亦修史於家。始帝欲授說大學士，辭曰：「學士本無大稱，中宗崇寵大臣，乃有之。臣不敢以爲稱，固辭乃免。」後宴集賢院，故事官重者先飲，說曰：「吾聞儒以道相高，不以官閥爲先後。」太宗時修史十九人，長孫无忌以元舅每宴不肯先舉爵。長安中與修珠英，當時學士亦不以品秩爲限，於是引觴同飲。時伏其體，中書舍人陸堅以學士或非其人，而供饌太厚，無益國家者，議自罷之。說聞曰：「古帝王功成則有奢滿之失，或興池觀，或尚聲色，今陛下崇儒向道，躬自講論，詳延豪俊，則麗正乃天子禮樂之司，所費細而所益者大。」陸生之言，蓋其達耶。帝知遂薄堅。徐堅字元固。玄宗改麗正書院爲集賢院，以堅充學士，副張說知院事。帝大酺集賢，幔舍在百司上，說令揭大榜以修其寵。堅見遽命撤之，曰：「君子烏取多尙人。」吳兢，江州浚儀人。兢不得志，私撰唐書唐春秋，未就。至是，丐官筆札，翼

得成書，詔就集賢院論次。蔣又字德源，常州義興人。外祖與魏位史官，又幼從外家學，得其書博覽彊記。逮冠，該綜羣籍，有史才。司徒楊綰尤稱之。（父）蔣明在集賢，值兵興，圖籍殺舛，白宰相請引又入院助力整比。宰相張鎰亦奇之，署集賢小職。又科次踰年，各以部分得善書二萬卷。詔兼判集賢院事。父子爲學士，儒者榮之。

玄宗置麗正書院，詔學士侯行果等侍講周易莊老，頻賜酒饌。院中既有宰臣侍講，屢承珍異之賜，張說有詩紀之。

玉海開元十一年春，於大明宮光順門外造麗正書院。夏，詔學士侯行果等侍講周易莊老，頻賜酒饌。學士等燕飲爲樂。前後賦詩奏上凡數百首，上每嘉賞。院中既有宰臣侍講，屢承珍異之賜。燕公詩曰：「東壁圖書府，西垣翰墨林，誦詩聞國政，講易見天心。」前後令趙冬曦、張九齡、咸廩、業、韋述等爲詩序。學士等賦詩，篇成卷軸以進。尋敕善寫真人貌學士等，欲畫象書贊於含象亭。屬車駕東行，事竟不果。上初令韋無忝、殷季友、殷敏分貌張說等。燕公以畫不精，奏進同州僧法明獨貌諸學士等。圖成，奏之上，稱善。今藏其本於書院。

全唐詩張說恩制賜食於麗正殿書院宴賦得林字

東壁圖書府，西園（一作垣）翰墨林，誦詩聞國政，講易見天心，位竊和羹重，恩叨醉酒深，緩（一作載）歌春與曲，情竭爲知音。

繼置集賢書院，命張說爲學士，有「集賢書院成，送張說上集賢學士賜宴得珍字」詩，

張說亦有「赴集賢院學士上賜宴應制得輝字」詩。俱可徵也。

全唐詩唐明皇集賢書院成送張說上集賢學士賜宴得珍字：

廣學開書院，（一作殿）崇儒引席珍，集賢招袞職，論道命台臣，禮樂治今古，文章革舊新，獻酬尊俎列，賓主班位陳，節變雲初夏，時移風尚春，所希光史冊，千載仰茲辰。

又張說赴集賢院學士上賜宴應制得輝字：

侍帝金華講，千齡道固稀，（一作任）將賢士設，書共學徒歸，首命深燕隗，通經淺漢章，列筵榮賜食，送客愧儒衣，賀燕窺簷下，遷鶯入殿飛，欲知朝野慶，文教日光輝。

顧士人構屋讀書之所，亦間以書院名之。

全唐詩盧綸同耿拾遺春中題第四郎新修書院，一作同錢員外春中題薛載少府新書院：

得從西園會，多因野性同，引籐連樹影，移石（一作柏）間花叢，學就晨昏外，歡生禮樂中，春遊隨墨客，夜宿伴潛公，散帙燈驚燕，開簾月帶風，朝朝在門下，自與五侯通。

又盧綸宴趙氏昆季書院因與會文并率爾投贈：

詩禮挹餘波，相權在琢磨，琴尊方會集，珠玉忽駢羅，謝族風流盛，於門福慶多，花攢驥驪，錦徇鳳凰窠，詠雪因饒妹，書經爲愛我，仍聞廣綵被，更有遠儒過。



又王建杜中丞書院新移小竹：

此地本無竹，遠從山寺移。經年求養法，隔日記澆時。嫩綠卷新葉，殘黃收故枝。色經寒不動，聲與靜相宜。愛護出常數，稀闊看自知。貧來綠（一作原）未有，客散獨行遲。

又於鵠題宇文良（一作裴）山寺讀書院。

讀書林下寺，不出動經年。草（一作書）開連（一作通）僧院，山廚共石泉。雲（一作懸）庭（一作亭）無履跡，龜壁有燈煙。年少今頭白，刪詩到幾篇。

又楊巨源題五老峯下費君書院：

解向花間栽碧松，門前不負老人峯。已將心事隨身隱，認得溪雲第幾重。

又楊發南溪書院：

茅屋住來久，山深不置門。草生垂井口，花發接（一作擁）籬根。入院將雛鳥，攀蘿抱子猿。曾逢異人說，風景似桃源。

又李羣玉書院二小松：

一雙幽色出凡塵，數粒秋煙二尺鱗。從此靜聽閒細韻，琴聲長伴讀書人。

又賈島田將軍書院：

滿庭花木半新栽，石自平湖遠岸來。筍迸隣家還長竹，地經山雨幾層苔。井當深夜泉微上，閣入高秋戶盡開。行